

痧

脹

玉

衡

書

序

憶昔癸未秋。余在燕都。其
時疫病大作。患者胸腹稍
滿。生白毛如羊。日死人數
千。竟不知所名。有海昌明

經李君見之曰。此痧也。挑之以鍼。血出。病隨手愈。於是城中昇而就醫者。亦日以千計。皆得愈而去。頃之症變而爲嗽。嗽甚輕。不半

目隨斃。時李君已出都。有知者曰。此亦痧也。用前法挑之。亦隨愈焉。余時目擊其事。歸而與知醫者言之。卒疑信交半。無何。則吾鄉

挑痧之法盛行矣。先是鄉人有糞穢感痧。例用錢物蘸油而刮。及此多用挑。然行之大都婦人。以故爲名醫者不道。及考諸醫書。古

時未有論及。後人稍有青筋之說。仍略而不詳。因而求人之信者少。疑者益多。用藥之方。遂置之不論。人不幸犯是症。無得全者。噫。

是。可。憫。也。友。人。右。陶。郭。君。
明。理。讀。書。旁。按。醫。學。見。近。
之。患。痧。者。日。益。衆。而。治。痧。
者。不。聞。乃。精。心。殫。思。推。原。
於。小。兒。痧。疹。之。理。兼。求。之。

古方多有不言痧而見痧之意者。且驗之諸所救療。無或爽。因以自信。遂發願廣之天下後世。爲百千萬人命之救。著有玉衡一書。

右陶之心切矣。右陶之功大矣。右陶嘗言。痧本無定脈。凡脈與所患之症不相應者。卽爲痧之脈。痧亦無定症。或感風。或感食。或感勞。或感

痰而以本症治之不效者。皆爲痧之症。爲立之方。使知遵也。爲記之驗。使知信也。後以藥性終之。使知用之。有宜不宜。不與他症同。

也。右陶治痧之法。於是書
乎全。而世人將讀其書以
治痧。兼以治右陶之所不
及治。右陶之心。於是大快。
雖不欲居其功。功又安歸。

哉。余旣見痧之事。又信右
陶之說。敢爲之言。雖然。不
足爲愚者道也。

皆

康熙十四年乙卯重陽日

里人王庭題

自敘

嘗論一元運化。升而爲天。凝而爲地。人
生其中。道配三才。惟其克佐天地之所
不及也。所以大之兵農禮樂。小之屠釣
工商。缺一不可。而況炎帝肇創。嘗藥療
病。尤斯人生死所係者乎。歷代相沿。神
醫迭出。載籍紛紛。惟救疾苦。就急痧脹
一症。時有懸命須臾。兆變頃刻者。竟置

不論如雲林龔先生所誌諸書。歷有年矣。迄今誦法不衰。時多宗之。然云青筋。所謂痧也。惜自古以來。從未論及。是以其疾往往不治。余竊以爲生歿甚大。望醫如望拯溺。詎可聽人之有是疾而不爲之生全乎。余高曾以經術起家。箕裘累葉。余少列宮牆。讀古惠鮮懷保。慨然有恫恤生民之志。嘗願爲愁者解困危。

者甦命。因徧閱仲景東垣丹溪諸先生論。而帖括所拘。有懷未展。

鼎革以後。播遷不一。或羈畱武水。或跋涉秦溪。每憶昔年尋章摘句。不過淹蹇一身。毫無裨益於世。旣而旅食江淮。浪遊吳越。所在時行痧脹。被禍不少。余心惻然。思得一術以濟之。竊恐世人犯而不知。識多有坐視其灰者。故凡遇杏林先輩。

未嘗不造而問焉。見松隱異人。未嘗不就而請焉。卽冊籍所載。鮮不於晤對之間。互相叅攷。然於痧也。究不得一要旨。已後返棹。攜李。按求高曾所遺前賢諸秘草。有其傳變難治異症。或定於濂洛大儒。或議諸楚粵高士。雖篇頁零星。各有同異。皆透叅靈素甲乙諸經。以推廣仲景先生之意。惜專籍無傳。沉埋日久。

而古人精秘尚未出也。余日夕究心。始
悟痧脹變端。總其大綱。撮其要領。遂得
歷歷措施。無不響驗。余特慮斯疾勿辨。
貽禍無窮。故爲之推原其始。詳究其終。
深憫斯疾之爲害。不忍不有斯集也。雖
然。醫者治疾。猶百工治事。此握一規。彼
挾一矩。有一定之法。無一定之用。故余
雖獲遺言。猶必酌量於累黍之度。而神

明其治法焉。此非昔人無是疾。今人始有是疾也。抑非昔人之病可略。今人之病當獨詳也。余所以念茲在茲。日孜孜焉。從事筆墨間。惟此救人。是論。要不外夫推己之心。俾天下咸慰及人之願。斯已耳。昔人有言。道之真。以治身。其緒餘以爲天下。余獨不敢云。治身與爲天下有二也。蓋醫之爲道。惟視人如己者。乃

可施。至於風氣之強弱。年歲之多寡。精力之厚薄。必須以己爲斷。然後原疾量藥。貫徹徹幽。度節氣而候溫涼。參脉理而合輕重。始乃取應如神。捷於桴鼓。不然。鹵莽從事。是猶南轅而返北轍也。烏可得哉。

皆

大清康熙十四年歲次乙卯燈月樵李郭

志遂右陶氏自序於裕賢堂

痧脹玉衡全書

參閱姓氏

朱介

廉齋

徐日禧

旭始

葉尹公

瑞木

戴履

吾三

陳麟

肅遠

金敏鎮

子政

施鑒范

韓友

聞鳳詔

翰黃

李御

元龍

沈偉

頌菴

姚弘斌

公亶

徐嗣振

子太

彭楨

兆基

王士榮

培元

何密

新魯

王沆

宋臣

李葵生

西震

馮幹

馭章

曹繼耀

舒文

王彩

雲夏

姚敏修

遜躬

沈斐忱

寧人

王忱

丹扶

孫渭璜

熊襲

鍾洪聲

子遠

方邁

仲拔

王師吉

叙公

屠懋功

用成

陸渭

宙肩

李國昌

紫嵩

陸寰栻

南軒

陸愈

淑韓

朱宏

廣白

兄志達

聖翼

弟世宏

次衡

凡例

- 一言有不實治有不效者一句不載
- 一藥有不當用有不明者一味不入
- 一據症用治立方制宜非痧不錄
- 一按脉閱筋恐人有悞詳之有據
- 一砭刺痧筋必須紫黑毒血據爲實見
- 一載雜症僅取兼痧諸病虛實悉在所略
- 一心腹痧痛刮放卽愈不煩醫藥者不多載入
- 一治驗不過一二三四惟略見治法爲準餘不多

卷之三
贊

一余近地氣稟柔弱故方中分兩從乎減少便能取效此雖傳示四方不敢多加

一製方分兩甚少若遇西北風高土燥之地剛強勇壯之人其分兩必須加倍或加二倍三倍方能有效

一飲湯規則云稍冷者九分冷一分溫也云微冷者八分冷二分溫也云微溫者冷者四分之三溫者四分之一也

痧脹玉衡書卷之上目次

痧脹發蒙論

玉衡要語

痧分表裡辨

治痧宜看涼熱

唇舌辨

大小便宜通

咽喉治法

治痧當絕其根

痧原論

治痧當分經絡

痧與雜症輕重不同治痧三法

痧前禁忌

痧後禁忌

痧脹凶症

痧爲百病變症

醫家當識痧筋

放痧有十

放痧須放盡

痧有放刮不盡辨

用藥不效

用藥必效

用藥大法

痧有實而無虛辨

怪病之謂痧

痧筋不同辨

寒痧辨

放痧不出治法

放痧數次不愈

數犯痧症

痧脹昏迷與雜症不同

痧筋原於血中之毒

慢痧必須速治

痧症治要宜明

治痧須先明百病

刺腿灣痧筋法

刮痧法

用針說

痧脹用藥不厭多

痧脹宜下辨

痧後治雜症宜知

當知不信之誤

玉衡書脈法

痧脈十二經辨

痧脈外感內傷辨

痧脈要訣

痧脈有似陰症辨

痧脉似氣血有餘辨

方書脉句宜參 脉貴審於幾先

痧脉決生死法

以下細述發蒙論不盡

暗痧辨 傷寒兼痧 痧症類傷寒

痧類瘧疾 瘧疾兼痧

痧脹玉衡書卷之中

偏身腫脹痧 悶痧 落弓痧

噤口痧 角弓痧 撲鶴痧

傷風咳嗽痧

痘前痧脹

痘後痧脹

胎前產後痧

胎前痧痛論

產後痧痛論

倒經痧

痧熱

頭汗痧
在氣語附

痧煩痧睡

老弱兼

瘡症兼痧

弱症兼痧

痧變勞瘵

膜脹兼痧

痧變膜脹

半身不遂痧

內傷兼痧

紫疱痧

痰喘氣急痧

痧瘋

痧重

眼目痧

瘟痧

頭眩偏痛痧

流火流痰痧

咳嗽嘔噦痧

痧脹玉衡書卷之下

霍亂痧

絞痛痧

脇痛痧

痧痢

蛔結痧

頭痛痧

心痛痧

腰痛痧

小腹痛痧

痧塊

痧變吐血鼻衄便紅

吐蛔瀉蛔痧

痧變腫毒

玉衡備用要方

防風散痧湯

荆芥湯

陳皮厚朴湯

棧木湯

藿香湯

薄荷湯

紫蘇厚朴湯

防風勝金湯

必勝湯

紫朴湯

獨活紅花湯

射干兜苓湯

當歸枳殼湯

荊芥銀花湯

桃仁紅花湯

清涼至寶飲

紅花湯

如聖散

寶花散

沉香鬱金散

圓紅散

化毒丹

三香散

三香丸

救苦丹

冰硼散

牛黃丸

細辛人黃丸

和脾宣化飲

消疳解毒散

牛黃八寶丹

活絡透毒飲

忍冬解毒湯

撥雲散

寶金化毒散

加味活命飲

參歸化毒湯

秦凱和解飲

參苓歸朮散

沉香丸

沉香阿魏丸

丁沉阿魏丸

阿魏丸

蘇木散

痰藜散

探吐法

當歸枳殼湯

清氣化痰飲

蒲黃飲

烏藥順氣湯

降香桃花散

木通湯

枳實大黃湯

荆芥薄荷湯

連翹薄荷飲

失笑散

便用七方

絕妙方

藥性便覽

痧方餘議

評半夏藿香吐止評荊芥細辛防風獨活

卷尾另有後記

妙張玉衡書卷之下

卷

妙張玉衡書

目次

五

痧脹玉衡書卷之上

携李郭志遠右陶著

痧症發蒙論

夫君子生于斯世。不屑爲天下無所用之人。則必求爲天下所必需之人。故君子不爲良相。則爲良醫。蓋良相濟世。良醫濟生。其所以行我心之不忍者。事有相符。而道有相類也。余于傷寒痘疹。驚風瘧痢。與夫胎前產後等症。俱所潛心。姑不具贅。獨是痧之一症。緩者或可遲延。急者命懸頃刻。在病家必當誠心請



救在醫者必當急爲赴援。匪若他症之可以遷延時日。姑且慢爲調治也。邇來四方疫氣時行。卽今丑寅年間。痧因而發。鄉邨城市之中。俱見有此等症。或爲暗痧。或爲悶痧。或爲痧痛。或爲落弓痧。噤口痧。撲鵝痧。角弓痧。盤腸痧。或又因傷寒。瘧痢。與夫胎前產後等症。而痧兼發。甚至闔門被禍。隣里相傳。可不重悼。余嘗遇此等症。臨危急救。難以屢指。其治之大略有三法焉。如痧在肌膚者。刮之而愈。痧在血肉者。放之而愈。此二者。皆其痧之淺焉者也。雖重亦輕。若夫痧

之深而重者。脹塞腸胃。壅阻經絡。直攻乎少陰心君。非懸命于斯須。卽將危于旦夕。扶之不起。呼之不應。卽欲刮之放之。而痧脹之極。已難于刮放矣。嗚呼。病隣十死。誰不傷心。痧症至此。信乎非藥不能救醒。非藥莫能回生。則刮放之外。又必用藥以濟之。然後三法兼備。救生而生。全庶乎斯人之得有其命也。其如世有刮痧放痧之人。僅有刮放之能而已。餘俱非所長也。故痧有放之不出。刮之不起。便云凶。而且放痧數次不愈。刮痧數次不痊。便聽命于天。而垂斃者。往

往皆然。若夫業醫諸友。責在救人。推其心。豈非當世
之所謂君子與。然其間。或有云。諸書不載痧名。滿洲
因而謂非藥可療。不知載籍之內。原有云絞腸痧者。
有云乾霍亂者。有云青筋者。有云白虎症者。有云中
惡者。此皆痧之見于諸書。但略而不詳。未有專家。然
不見有云是宜絕藥。誠彰明較著。而可觀也。況痧有
爲真頭痛。朝發夕死。夕發旦死。寄于頭痛之條。痧有
爲真心痛。亦朝發夕死。夕發旦死。寄于心痛之例。此
二症者。雖屬不治。若知其原于痧者。而療之。亦可挽。

回。況痧有爲頭面腫脹。一似大頭瘟。痧有爲咽喉鎖
悶。一似急喉風。痧有爲眩暈昏悶。少頃云外。一似中
風中暑。痧有爲嗜睡昏迷。身體重痛。一似驚魂落魄。
此皆其勢在危急。而不及者。非藥將何以救之乎。
而況痧有頭痛寒熱。類于傷寒。咳嗽煩悶。類于傷風。
與夫因瘧而兼痧。因痧而化瘧。或又痢以痧發。痧緣
痢生。而痧症百出。傳變多端。更不特如此而已也。諸
如鼻紅吐紅。瀉血便血。由痧而得者有之。更有大腫
大毒。流火流痰。由痧而生者有之。或又有胎前產後。

氣鬱食鬱血鬱火鬱而痧之兼發者有之。或又有痧而手腫足腫。手痛足痛。連及徧身。不能轉側者有之。或又有痧而胸脇肚腹結成痧塊。一似痞悶。一似結胸者有之。或又有痧而吐蛔瀉蛔。食結積結血結者有之。或又有痧而心痛脇痛腹痛腰痛。盤腸疝痛。徧身疼痛。幾不能生者有之。況痧嘗有內症所傷。將隣于死。者。男子犯此。一似蓄血。而血分之治法不同。女子犯此。一似倒經。而氣分之治法亦異。蓋痧之爲病。種種不一。難以枚舉。予特指其大略。而明其最要者。

須看脉之真假。認症之的確。然後投劑。必當用藥。無
虛如痧在肌膚。當刮。卽刮。痧在血肉。當放。卽放。痧在
腸胃經絡。與脾肝腎三陰。當藥。卽藥。若痧氣肆行。不
拘表裏傳變。皆周。當三法兼用。務在救人。於將危而
回生。於將歿。余之治此等症。隨處救人。確有奇驗。竊
恐前人無論難啓。後賢因著爲集。仍不敢秘。以公諸
世。庶幾其有以行我心之不忍。而幸不爲斯世無所
用之人與。

痧脹玉衡書要語

痧分表裏辨

痧之初發。必從外感。感於肌表。人不自知。則入於半表半裏。故胸中作悶。或作嘔吐。而腹痛生焉。此可以刮痧而愈。不愈。用荊芥湯。藿香湯之類。而選用之。痧感於半表半裏。人不自知。則入於裏。故欲吐不吐。欲瀉不瀉。痧毒衝心。則心胸大痛。痧毒攻腹。則盤腸弔痛。此可以放痧而愈。不愈。用陳皮。紫朴湯。稜木湯之類。而選用之。

痧中於裏。人不自知。則痧氣壅阻。惡毒逆攻心營。立時發暈。卽欲刮痧而痧不起。卽欲放痧而扶之不起。必不得放。卽扶起放之。而發暈之時。氣血不流。放之亦無紫黑毒血流出。卽有些須。亦不能多。略見紫黑血點而已。此痧毒入溪大凶之兆。斯時病家求救甚切。方可用藥。余但審脈辨症。的係風寒暑溼。氣血食積痰飲。何因而施治。令其甦醒。氣血流動。然後扶起放痧。漸以調治。如不醒。卽擇牛黃丸三香丸救苦丹之類以救之。如此重症。必須醫者慈心大發。立時連

進湯丸方能救遲則必死

治痧宜看涼熱

痧犯太陽則頭痛發熱。犯少陽則耳旁腫脹。寒熱往來。犯陽明則面目如火。但熱而不寒。犯太陰則腹痛。犯厥陰則少腹痛。或胸脇痛。犯少陰則腰痛。而皆身涼。犯乎肺則咳嗽痰喘微熱。甚則鼻衄。犯乎心則心痛。或心脹。其頭額冷汗如珠。而身或熱或涼。犯乎膀胱則小便溺血。甚則身熱。犯乎大腸則痢下膿血。重則嘔吐身熱。犯乎肝則沉重不能轉側。嘔熱內熱甚。

則吐血。犯乎三焦。則熱毒內攻。上則口渴。下則便結。治痧當辨身涼身熱。蓋身涼者內熱者。宜攻其裏。表熱者。宜透其肌。

唇舌辨

痧者急症也。若昏迷不醒。口不能言。其心胸煩悶。一種難過之苦。將何以辨之。治宜先觀其唇舌。色黑者凶。色黃者重。色淡紅者較之略輕。蓋黃色而知內熱。黑色而知熱極。淡紅色雖熱。用藥不可太冷。又要看有胎無胎。其症始有治法矣。

大小便宜通

痧症危急。大便不通。急宜放痧而攻之。小便不通。宜放痧而分利之。

咽喉治法

痧症危急。若犯咽喉。則喘如鋸。先放其痧。急用薄荷鼠粘子。童便。山豆根之類。以清之。或兼用冰硼散。以吹之。然後餘症俱從後治。

治痧當絕其根

痧之爲害。治之雖愈。若有未除。卽復肆毒。又徧週

身如在表者已刮在中者已放而在內者少有未消
一喫米飲或熱湯熱酒痧毒卽復由內而攻表遂徧
週身如在內者已治在中者已放而在表者未刮卽
復由外而攻內若表裏俱盡治矣而在中者未放亦
復傳徧表裏如此可謂之極真生處所關非雜病所
得而比也故治痧當必其根

痧原論

痧症先吐瀉而心腹
痛者從穢氣痧發者多先心
腹絞痛而吐瀉者從
氣痧發者多心胸昏悶痰涎

膠結。從傷暑伏熱。發者多。徧身腫脹。疼痛難忍。四肢不舉。舌強不言。寒氣伏過時。鬱為火毒而發。痧者多。

治痧當分經絡

腰背巔頂連風府。脹痛難忍。足太陽膀胱經之痧也。兩目紅赤如桃。唇乾鼻燥。腹中絞痛。足陽明胃經之痧也。脇肋腫脹。痛連兩耳。足少陽膽經之痧也。腹脹板痛。不能屈伸。四肢無力。泄瀉不已。足太陰脾經之痧也。心胸弔痛。身重難移。作腫作脹。足厥陰肝經之痧也。

痧也。痛連腰腎。小腹脹硬。足少陰腎經之痧也。咳嗽
聲啞。氣逆發哈。手太陰肺經之痧也。半身疼痛麻木
不仁。左足不能屈伸者。手太陽小腸經之痧也。半身
脹痛。俛仰俱廢。右足不能屈伸者。手陽明大腸經之
痧也。病重沉沉昏迷不醒。或狂言亂語。不省人事。手
少陰心經之痧也。或醒而六味。或獨語一二句。手厥陰
心胞絡之痧也。胸腹熱。揭去衣被。乾燥無極。手少
陽三焦之痧也。

痧與雜症輕重不同

痧與雜症往往相兼。但當首重治痧。兼醫雜症。蓋痧症急而雜症緩也。胎前產後有痧。當並重處治。蓋胎前宜補。痧症上。產後宜溫。痧症宜涼也。故用藥治痧。必須斟酌。

治痧三法

肌膚痧。用油鹽刮之。則痧毒不內攻。血肉痧。看青紫筋刺之。則痧毒有所洩。腸胃脾肝腎三陰經絡痧。治之須辨經絡臟腑。在氣在血。則痧之攻內者可消。可散。可驅。而絕其病根也。

痧前禁忌

痧忌熱湯熱酒粥湯米食諸物。蓋飲熱湯熱酒粥湯。則輕者必重。重者立斃。喫不食諸物。恐結成痧塊。日久變出奇疾。甚難收療。如有幸而食消。不殞命者。不可以此爲例也。

痧後禁忌

痧症略鬆胸中覺餓。設或一餐進飲食。卽復痧脹。立可變重。是必忍耐一二日爲宜。乃可萬全。

痧脹凶症

痧有心胸高起如慢殺者不治背心一點痛者死角
弓反張者死腰腎一點痛者死心胸左右有一點痛
者不治脇肋痛者不治四肢腫痛者難治鼻如煙煤
者死舌卷囊縮者死環口鰓黑者死頭汗如珠喘而
不休者死昏迷不醒放痧不出服藥不應者死痧塊
大痛服藥不應者死

痧爲百病變症

諸凡百病勢極傷人然亦有未卽臨危尚可綿延時
日而忽然變病遂致傾危不治者何也蓋百病之中

有或因病而感夏月暑熱時行之氣。有或牀第不潔。穢惡衝人。而兼之平時伏毒。深藏一時痧症。均可乘隙竊發。所貴醫者識竅。先治其痧。後理其病。所謂急則治其標。緩則治其本者。此類是也。

醫家常識痧筋

痧症輕者脈固如常。重者脈必變異。若醫家但識夫脈不識痧筋。勢必據脈用藥。而脈已多變。則實病變虛。虛病變實。誠不可恃。若取脈症不合者。認痧筋有無。有則據痧用藥。無則據脈用藥。乃無差誤。故余

謂醫家常識痧筋

故痧有十

一在頭頂心百會穴

一在印堂

一在兩太陽穴

一在喉中兩旁

一在舌下兩旁

一在雙乳

一在兩手十指頭

一在兩臂灣

一在兩足十指頭

一在兩腿灣

凡痧有青筋紫筋或現於數處或現於一處必須用
鍼刺之先去其毒血然後據痧用藥治其脾肝腎及

腸胃經絡痧萬不失一。

放痧須放盡

嘗見人犯痧症。延一放痧者放之。以爲放痧之法。止於此矣。不知放痧之人。固有善於彼者。不善於此。亦有善於此者。不善於彼。使病家延一放痧之人。略如一二。未識其全。則血肉之痧。有放而未盡者矣。苟醫者不識痧筋。見其痧之已放。而孟浪用藥。藥不能治。及於血肉之分。或痧症復發。痧毒肆攻。而輕者變重。病家不明其故。歸咎於醫。醫者之名。由茲而損。豈反

不爲放痧之人所誤乎。故醫家識痧必須令其放盡。

痧有放刮不盡辨

痧毒所發得善放者放之。未有不可盡而亦有不盡者何也。蓋痧者熱毒也。或誤飲熱湯則青筋紫筋反隱而不現。卽略現青筋紫筋而放之。其毒血亦不流。併刮痧亦不出。熱湯爲之害也。此當急飲冷水以解之。然後可再放而血流。再刮而痧出。或又有痧毒方發而爲食物積滯所阻。食積與痧毒凝結於中。卽放之不盡。刮之不出者。食物積滯爲之害也。此當先消

食積而再放刮。或又有痧毒瘀滯。熱極血凝。而痧血不流。阻於胸腹。故放之刮之。有不盡者。此當先散瘀血。而後放刮。或又痧毒方發。而兼遇惱怒。氣逆。怒氣傷肝。則愈作脹。故痧氣益盛。而放刮俱難盡。此又當先用破氣之藥。以順之。而再放刮。如此則痧毒皆可漸消也。

用藥不效

凡病用藥得宜。未有不效。而痧症竟有得宜不效者。何也。夫痧者熱毒也。熱毒用藥。宜涼不宜溫。宜消不

宜。補。湯。劑。入。口。必。須。帶。冷。冷。則。直。入。腸。胃。而。肌。膚。血。肉。之。間。雖。有。良。劑。安。能。得。至。乎。此。治。痧。者。莫。先。於。刮。之。放。之。也。如。刮。之。放。之。而。肌。膚。血。肉。之。毒。已。除。然。後。將。腸。胃。脾。肝。腎。三。陰。之。毒。用。藥。以。驅。之。藥。固。未。有。不。效。者。也。然。亦。有。刮。之。放。之。而。藥。有。不。效。者。是。非。藥。不。效。也。蓋。其。時。雖。放。而。放。之。或。有。未。盡。雖。刮。而。刮。之。或。有。未。到。則。是。肌。膚。血。肉。之。毒。猶。在。故。卽。用。藥。而。藥。有。不。效。耳。若。刮。已。到。放。已。盡。而。痧。症。猶。在。則。是。痧。毒。惟。在。腸。胃。脾。肝。腎。三。陰。經。絡。非。藥。將。何。以。治。之。乎。

用藥必效

痧症危極昏迷不醒。卽扶之不起。呼之不應。雖欲刮放而不可刮。放乃更有用藥以救之。而能必其效者何也。蓋痧症用藥。必須帶冷。冷雖未能卽周於肌膚。血肉之間。而昏迷不醒。乃痧之熱毒衝於心膈。故心不能自主而昏迷。若藥帶冷入口。卽從心膈間順流而下。則熱毒之氣在心膈間者。隨藥而消。故昏者復明。迷者復醒。卽有不醒者。乃食積血痰所阻。若能攻而下之。未有不醒者矣。此余治痧所以又用藥而必

得其效也。

用藥大法

痧氣壅遏。未有不阻塞於中。故作痛作脹。用荊芥防風之類。從表而散。用青皮陳皮之類。從中而消。用枳實大黃之類。從大便而下。用木通澤瀉之類。從小便而行。用山楂藟子之類。所以治其食之阻。用金銀花紅花之類。所以治其血之壅。用檳榔蓬朮之類。所以治其積之滯也。

痧有實而無虛辨

痧者天地間之厲氣也。入於氣分則毒中於氣而作腫。作脹入於血分則毒中於血而爲蓄爲瘀。凡遇食積痰火氣血卽因之阻滯結聚而不散。此痧之所以可畏也。故人之壯實者有痧脹之症。飲熱酒熱湯而變者固然。卽人之虛弱者有痧脹之症。飲熱酒熱湯而變者亦無不然。至如人有雜病兼犯痧症。是爲雜病變端而亦畏。夫熱酒熱湯人不知覺。遂遭其禍。則是痧之發又何論人之虛實乎。夫惟人之實者犯之固卽以有餘治之。而虛者犯之亦當以有餘治之。蓋

其有餘者。非有餘於本原。乃有餘於痧毒也。論者以爲人之實者。固可以有餘治之。而人之虛者。以有餘治之。則益虛其虛矣。而不知非然也。夫人有痧毒。如家之遇賊寇也。人有虛實。如家之有厚薄也。假若賊寇操戈已入於室內矣。而乃以家之資財之薄也。其賊寇可不驅而出之乎。吾見家有賊寇。必先驅之。爲是人有痧毒。亦無不先驅之。爲是也。故痧發不論虛實。驅毒在所當先。溫補必於收後。此痧之所以有實而無虛也。

怪病之謂痧

方書所載怪病之謂痰。此古人之格言也。是以中風痰厥昏迷不醒。及流痰腫痛俱責之痰。然有治痰而痰得其治者。十中一二。有治痰而痰不爲所治者。十有八九。是非痰之不可治也。蓋因其症之凶危。醫者膠於方書之語。咸謂其痰之使然。而中風痰厥昏迷之類。遂有不可名言者矣。若余於中風痰厥昏迷之類。嘗有治痰而得其效矣。詎敢曰一一非痰。然其間因痧而有是症者。雖云今之時氣使然。何乃十有八

凡余切其脈而不洪滑。卽有可疑。或症有口渴身熱。脈變而爲沉遲。或症有不渴身涼。脈變而緊數。此皆脈症不合。須識其痧。一取青紫筋色而辨之。自有確見。若醫者惟執爲痰。以治之。便成大害。然則古人所謂怪病之謂痰。痰誠有其病之怪。而余則有見夫怪病之謂痧。而痧之爲怪。更有甚於痰也。則是痧之爲害。莫有大於此者。豈可付之不論不議耶。

痧筋不同辨

痧筋有現。有微現。有乍隱乍現。有伏而不現。痧筋之

現者。毒入於血。分者多。乍隱乍現者。毒入於氣。分者多。微現者。毒阻於氣。分者多。伏而不現者。毒結於血。分者多。夫痧筋之現者。人皆知刺而放之矣。其微現者。乃其毒之阻於腸胃。而痧筋不能大顯。故雖刺而無血。卽微有血。而點滴不流。治療之法。但宜通其腸胃。而痧筋自現。然後俟其痧筋之現。刺而放之。若乃痧筋之乍隱乍現者。人又皆知俟其現而放之矣。至有伏而不現者。雖欲放而無可放。吾觀善放痧之人。亦未有能識其爲痧者。所以痧症之禍。往往人受其

害而不覺。若斯者。必從其脈之不合於症。而辨之。必取其所發之病。在緩所見之症候。更候有其甚急者。卽病與症之不合。又可辨其爲痧。則痧毒之結聚不散者。自可細詳治療之法。結於血者。散其痧。結於食者。消其食。而攻之。結於痰積者。治其痰積。而驅之。則結散之後。痧筋必然復現。然後刺而放之。其痧可得而理也。如是之痧。亦有可治。若繼余之業者。甚勿以其痧症之凶危。而棄之與。

寒痧辨

痧症之發。未有其寒者矣。而亦有其痧之爲寒。非痧之有真寒也。蓋因世人知痧之熱。而服大寒之飲。以至於。是。然寒飲服於犯痧之人。有卽愈者。有不卽愈者。是何以故。夫犯痧症。必其無食。無積。無血。所阻於中。方可服寒飲。而得其效。若一有食積。血阻於中。而服大寒之飲。則食不消。積不行。血不散。而痧毒反冰伏。凝阻於中。未有得寧者矣。嘗見高巖窮谷之中。山路迢遙。行旅感暑熱之氣。往往有一飲山澗之水。而卽斃者。是名寒痧。若幸遇放痧之人。及得以識其痧。

而救其命。蓋緣痧毒攻心。服寒飲太過。而痧毒遂冰寒凝結於心胸。故有卽斃者爾。若一遇放痧之人。毒血一行。便無凝滯。此人所以得有其命也。今近處往往有犯痧症。服冷水不愈者。此類是也。故方書所載。服陰陽之水。而不獨取乎井水者。誠有見於此爾。是以久服涼飲之後。痧有未痊者。又常用微溫之藥。以施之。余於是集方中。所載三香丸。又有略用附子乾薑之類。均稍冷飲之。誠爲權宜之善劑。與若其方書所云寒痧。謂當卽以真寒治之。而驟多用桂附乾薑。

吳茱參芪之類。此誠有誤。不可服也。

放痧不出治法

痧症危急。莫善於先放其痧。乃今更有放痧而血不流者。雖痧筋隱隱。無可如何。故放痧之人。往往遇此便云凶。若余則不然。是其放痧雖血不流。而亦有可救者。卽至昏迷不醒。勢在臨危。若審其無食積血痰阻滯於中。用寶花散冷服。或陰陽水。或泥漿水。或晚蠶沙水。或細辛水。或白沙糖梅水。擇一方面而用之。俟其稍醒。然後扶起。再行別法療治。至如有因血瘀而

放之不出用童便桃仁紅花之類以救之有因飯後
便犯痧症多用鹽湯或礬湯冷飲以吐去新食食久
痧脹用藟子山查麥芽之類以消之有積痧阻用枳
榔大黃之類以驅之阿魏丸之類以治之或痰血凝
結昏迷欲歾不省人事用菜油二兩麝香一錢調下
立甦此爲良法如是先去食積血痰之阻滯者則痧
筋自然復現痧氣自然散行而後可刮卽刮可放卽
放當藥卽藥蓋緣痧症初發未攻壞臟腑故耳乃知
初起放痧不出凶症未始不可以挽回也醫者甚毋

以其放痧不出昏迷如死見爲凶極而棄之與

放痧數次不愈

痧症愈則卽愈不愈須防其有內潰之憂故治痧之法刮之放之宜愈不愈卽常用藥以治之至若雜症之兼乎痧也亦宜刮宜放而急宜用藥以治其痧爲要策此治痧者不可一日無治法亦不可一日無治藥也乃今有不用藥而惟恃乎放痧竟有其放痧數次不愈者或乃曰彼無昏迷不醒之重症可無害於事也不知放痧數次不愈則必日甚一日內有伏毒

盤踞臟腑。雖不見有昏迷不醒之事。而痧毒之攻擊。於臟腑間者。甚可危也。且放痧何以數次不愈乎。蓋惟人有食積血痰阻滯其毒。故痧放而不盡。設有能消除其食積血痰。則痧毒無阻。尚烏有不愈者耶。惟其不用藥。而惟恃乎放痧。故痧毒不盡。勢必攻壞臟腑。醫者慎毋以放痧數次不愈爲輕症而忽視之。與

數犯痧症

痧症有緊有慢。人多不識。幸邇來南方砭刺有人。略

曉痧症一二然亦不克逐症詳明。痰可嘆惜。故有云
痧當砭刺。刺卽收。人有云。痧不可刺。刺卽多犯。此語
一出。遂致誤人不淺。然亦有可辨者。蓋痧症之初犯
者。邪氣勝。夫元氣雖人壯實而不免。痧症多犯者。由
元氣虛。則易感觸。夫邪氣是以有數患痧症之人。或
有十日半月一發。或有一月二月一發。常患痧痛。非
刮則放。所以有痧不可刺。刺卽多犯之說。爾不知痧
之易感。必由於胃氣本虛。遂乃數犯。予嘗用絕痧方。
充其胃氣。則痧自斷。又用參芪大補之味。以實之。痧

未有不。斷者矣。然必痧症已痊之日。全無些須痧毒。然後可服。以絕其根。否則稍有痧氣未除。此等之藥。斷不可服。恐其中有甘辛溫熱大補之味。反益助其邪毒爾。

痧脹昏迷與雜症不同

雜症若重。或至昏迷。均可以延時日。獨痧症之昏迷。則有不容少待者何也。夫雜症昏迷。不過痰氣血湧。或虛極而發暈已也。故可以延時日。至於痧而昏迷。不醒。僅是痧氣衝心。猶有可解。若爲痧毒所攻。則毒

血一衝勢必攻壞臟腑。未有少延者矣。故痧脹昏迷不醒者。須防立死。其毒血與食積痰氣必結聚心腹胸膈之間。而經絡不轉。氣血不運。雖欲放而血不流。欲刮而痧不顯。此所以救之者。又必急用藥以治之也。其治之之法。惟視其食積痰血氣阻。及暑熱伏熱穢氣之類。以治之。有食消食。有積消積。有痰血氣阻。卽散其痰血氣阻。有暑熱伏熱穢氣所觸。卽散其暑熱伏熱穢氣。則胸膈一鬆。昏迷自醒。然後驗其紫筋青筋以刺之。而或刮或藥。惟其症之所發。以施其救。

人之術與

痧筋原於血中之毒

夫醫首重望聞。次貴問切。人皆知之矣。至於痧而望聞有所未明。問切有所未盡。醫其可以已乎。吾觀世有暗痧而人不識。往往多誤。則苟不取痧筋以驗之。蓋針鋒所刺。不過鋒尖微微入肉。有痧毒者。方有紫黑血流。若無痧毒者。其鋒大雖刺。點滴全無。故痧有痧筋可辨。亦如別病之有別症可辨也。然則痧筋所現者。其青紫之色。所原者。乃本於血中之有其毒與。

夫血中有毒。既無可消。自宜如放。放有不盡。則宜刮。宜藥。審寒涼而權輕重。借草木以挽凶危。凡以驅夫痧毒之所留滯者。而救其大命焉。爾奈何有不信痧者。徒受夫痧症之實禍。而甘心於自斃乎。

慢痧必須速治

痧若緊者。只在頃刻。慢者。或期至十日半月而歿。或期至一月二月而歿。甚有期至三四月而歿。此誠痧之慢矣。而余謂必須速治者。毋乃憂人之太過乎。而不知其非也。夫痧之致人於歿者。雖有如是之久而

其痧毒蔓延於腸胃經絡間者正多凶險之處卽如
痧毒滯結於身之或左或右或上或下或裏或中或
表既有若是之滯結者必不猶然若是之滯結而已
也將且在內者先壞臟腑在中者先損經絡在表者
先潰肌肉雖未卽斃而其難治之形必然先見若一
不治便成死症慢痧之可畏也如是安可以死日之
慢而不速爲之蚤治乎

痧症治要宜明

痧無食積瘀血而痧氣壅盛者冷服痧氣壅阻於食

積而無血瘀者稍冷服痧有毒盛而血瘀者微溫服。痧入於氣分而毒壅者宜刮。痧入於血分而毒壅者宜放。痧痛而絞動者痧毒壅阻於食積之氣分也。痧痛而不移者痧毒壅於血分而有瘀也。痧發於頭面上部者痧之毒氣上壅也。痧蹙於手足下部者痧之毒血下注也。痧有上吐下瀉者痧氣上下衝激也。痧有煩悶氣脹者痧氣壅塞於心膈也。痧有惡寒發熱者痧氣遏抑於肌表也。痧有胸膈偏痛者毒血流滯於經絡也。痧有結滯腸胃者食積血瘀爲腫爲脹也。

痧有吐血便血者。痧血泛溢而憂潰敗也。痧有咳嗽喘急者。痧毒壅於氣分而生痰逆也。痧有立時悶厥者。痧之毒血攻心也。痧有手足軟而不能運者。痧入於血分而毒注於下部也。痧有腰脇俱痛者。痧阻於血分而有瘀也。痧有偏痛於半身者。毒注於半身而瘀血也。痧有身重不能轉側者。痧之毒血壅瘀而不能轉運也。痧有變成腫毒潰爛者。毒血凝滯而攻壞肌表也。

治痧須先明百病

痧症不與雜症俱發則已。若與雜症俱發。醫者但能治其痧症。不能治其雜症。假使雜症有害。不幾誤人於死。者不在痧症。而在雜症乎。夫天下有能治百病而不能治痧者。余固責其有誤於久矣。茲有犯雜症兼痧之疾。而業醫治痧者。更不能治雜症。獨可無責其有誤人之罪乎。卽如人有勞弱本原不足之症。兼犯痧症。凶危延一治痧者治之。聆其言。則云我因善治其痧焉。始則用克伐之藥。以治其痧。脹之極。可謂有病則病受之。雖甚克伐。亦無害於本原矣。迨至痧

已散去五六尚存三四則用藥之法雖宜尚重痧症
又當顧慮本原惟在略用克伐而不傷本原者爲是
若一過用克伐便傷本原豈不有誤於不足之症乎
況痧氣散去八九惟是略存一二用藥尤宜保護本
原而稍治其痧焉至於痧患悉平惟有本原不足則
自應以補益爲先然後可云能治其病而無誤也若
不先明於本原不足之症而用藥失宜投劑無法則
其誤人之罪其能免乎卽此一端可例百病故吾謂
治痧須先明百病

刺腿灣痧筋法

腿灣上下有細筋深青色或紫色或深紅色者。肌膚白嫩者方有卽是痧筋刺之方有紫黑毒血其腿上大筋紫紅色不可刺刺亦無毒血反令人心煩腿兩邊硬筋上筋不可刺刺之恐令人筋弔若臂灣筋色亦如此辨之其餘非親見不明白故不具載至如頭頂心一針惟取挑破略見微血以洩痧毒之氣而已不可直刺其指尖刺之大近指甲雖無大害當知令人頭眩若一應刺法不過針鋒微微入肉不必深入

刮痧法

背脊頸骨上下及胸前脇肋兩背肩臂痧用銅錢蘸香油刮之。或用刮舌則子脚蘸香油刮之。頭額脛上痧用棉紗線或藤線蘸香油刮之。大小腹軟肉內痧用食鹽以手擦之。

用鍼說

嘗覽古人遺言東南卑溼之地。利用砭。所謂針刺出毒者。卽用砭之道也。但放痧之人俱用鐵針。輕者一針卽愈。重者數刺不痊。蓋因痧毒入深。一經鐵氣恐

不能解。余惟以銀針刺之。則銀性最良。入肉無毒。以之治至深之痧毒。不尤愈於鐵針乎。此余所以刺痧筋者。獨有取乎銀針也。

痧脹用藥不厭多

凡傷寒雜症。所犯止有一症。用藥不貴乎多。痧症因暴非常。變幻百出。如犯在氣分。有兼痰兼血。在血分有兼食兼積。或又有兼外感內壅。往往皆然。不可執一。故用藥治之。宜盡慮到。不然一有不及。其禍不測。此所以不厭乎多也。

痧脹宜下辨

傷寒食未化。下之太早。反引寒邪入胃。變而爲熱。熱邪固結所食不能消化。乃成結胸。若痧脹新食固宜以吐爲先。至所食既久。驟然痧脹。雖所食消化未盡。下之無害。蓋痧脹非有寒邪入胃。變成熱結之患。但因痧毒在腸胃。則腸胃中肌肉作腫作脹。盤腸絞痛。徧及臟腑。故外宜用刮放以泄毒於表。內可卽下以攻毒於裏。則腫脹自當之以潛消。而食積亦因之以通利。原無結胸之可憂也。然痧脹固非傷寒熱結者。

比。但下之。必須內兼食積。又宜以漸而進。中病卽止。

痧後治雜症宜知

痧退後。竟治雜症。固所宜然。但痧後餘毒。或尚存些。須按脉而脉已不顯。辨症而症已若清。此時用藥。若卽認爲。惟是雜症已爾。僅以治雜症之藥治之。設使稍有相犯。吾恐斯人。尚不得保其命也。蓋痧後猶痘後。痘後之症。固不可舍痘餘毒而單治雜症。痧後之症。又豈可舍痧餘毒而單治雜症乎。此治痧後雜症。又不可不深慮。而于雜症劑中。更兼解毒活血。乃能

收全功也。

當知不信之誤

凡人有病則宜治。將灰則宜救。乃有犯痧不信。夫痧者是其智之所短。卽其數之所盡也。故人有犯乎慢痧。猶可纏綿時月而病日深。若犯乎緊痧。未有不立時凶危而入於灰。如此不信。真數盡之人也。卽告之以痧症之禍。而彼仍茫然不覺。雖有熱心。無益於事。故不信之誤。人自當知。嘗見一士不信痧。忽然犯緊痧。暗症咽喉疼痛。喘急如鋸。發熱沉重。胸中飽悶。吹

藥服藥喉中益痛。痛連耳際。或時在左。或時移右。痰
脹昏迷。凶危之極。殆難盡述。幸而審明痧症。急爲放
痧。湧出毒血甚多。刮痧徧體。俱有服藥至晚而安。痰
脹亦消。喉痛亦止。緣不守痧禁。飲溫酒熱茶。立時復
發而終。此真痧毒之爲害也。嗚呼惜哉。更見同時三
女。一犯此症。刮痧而愈。一犯此症。放痧而愈。一犯此
症。認爲喉驚。治之而歿。信者如此。不信者如彼。痧其
可忽也耶。

痧脹王衡書脈法

痧脈十二經辨

脈。花。而。浮。者。肺。痧。也。脈。花。而。散。者。心。痧。也。脈。弦。長。而。動。者。肝。痧。也。脈。花。大。而。滑。實。者。脾。痧。也。脈。沉。細。而。動。止。不。勻。者。腎。痧。也。大。腸。之。痧。類。於。肺。而。長。小。腸。之。痧。類。於。心。而。細。膽。之。痧。類。於。肝。而。數。胃。之。痧。類。於。脾。而。緊。膀。胱。之。痧。類。於。腎。而。浮。虛。三。焦。命。門。之。痧。脈。必。怪。異。

痧脈外感內傷辨

傷食之痧。脉多戰動。傷血之痧。脉多芤滑。傷暑之痧。脉多洪滑而疾。數傷風之痧。脉多沉微。穢觸之痧。脉多變異不常。傷氣之痧。脉多沉伏。或形如雀啄。傷寒溼之痧。脉多沉細。

痧脉要訣

痧症之脉。與諸症之脉不同。如傷寒傷風。自有傷寒傷風之脉。若傷寒傷風。一兼痧症。其脉必變。病必凶暴是也。凡遇雜症有痧。皆然。

治驗

一用成屠兄夫人。忽然昏迷。沉重痰涎壅盛。已三日矣。延余往視診。脉洪大無倫。身不發熱。口不乾燥。惟不省人事。余曰。脉症不合。此痧脹也。刮痧稍醒。用沉香鬱金散。荆芥湯。加山稜蓬朮枳實紫朴砂仁。微冷飲之。三劑而愈。

一沈雲漢年老。一千七歲。發熱五日。狀類傷寒。昏迷沉重。服傷寒藥。病勢益甚。將在臨危。其婿吳彩雲。延余往視診。其脉形如雀啄。怪脉已現。不可復救。但細按左關。指下或時厥厥動搖。此暗痧而人

不覺也。幸其年幼。可抱而起。視其腿灣。有紫筋三條。刺之。血流如注。不愈。用阿魏丸。大黃丸。清茶微冷飲之。又用荊芥湯。加山查。葡萄子。檳榔。細辛。微冷飲之。連服二頓。服方知人事。次日脉復如常。痧氣退盡。但身熱未痊。乃用傷寒陽明胃經藥三劑而愈。余治痧。不及具述。各舉一二爲例。以見痧症不可忽也。

余之痧脉要訣。至矣盡矣。痧症之脉。莫有外於此矣。議者以爲余之秘夫脉而不盡言其脉之所以然者。

正在此也。嗟嗟。人之議余也。以余之論。辨脉而脉有未明也。抑思余之刊刻是書也。將以曉天下之人。使天下咸識夫痧症之禍也。豈有所秘而不言者乎。卽如傷寒自有傷寒之脉。非虛語也。夫冬月正傷寒。頭疼惡寒。身熱無汗。脉必緊盛。故見夫人迎緊盛之脉。若餘月雖有頭疼惡寒。身熱無汗。總名傷寒。脉未有其人迎緊盛者。此冬月所以有正傷寒之脉也。假若冬月有正傷寒之症。不見有正傷寒緊盛之脉。或變而爲沉遲。或變而爲微細。是脉症之不合也多矣。而

又取青筋紫筋之色以辨之。則痧症之發可驗而知也。且如傷寒有兩手無脉曰雙伏。一手無脉曰單伏。必有正汗也。此以汗之將來一時脉伏言之。非云時時脉伏而有汗也。若所犯傷寒症已如是。而脉之伏也。日日如是。則是脉與脉伏正汗之說不合。獨不可以驗其痧症之因乎。又如傷寒傳經熱症。有云氣口緊盛。傷食之驗。若人症犯胸中飽悶。宜乎氣口脉緊盛矣。及按其氣口之脉。不見緊盛。反若空虛。是脉症之不合。更可以驗其痧之發矣。若更取青紫筋色而

辨其的確以治其痧尚何疑乎卽此類推餘症可以盡知

痧脉有似陰症辨

痧毒之氣阻抑於經絡血肉之間故其脉多沉伏卽有別病兼痧者亦然如人有傷寒脉沉微無力是直中三陰經之脉也治以陰症用熱藥有何疑哉然嘗見有用之而愈者有用之而不愈者用之而愈則人將曰陰症之藥在所宜用用之而不愈則人又將曰陰症之藥不可驟用此豈其認脉之不真而治傷寒

之有未當與夫亦惟爲傷寒兼痧。痧脉與陰症脉相似莫辨。故一服溫補熱藥。痧毒變幻而有此悔爾。余嘗臨症治傷寒。按之見有沉微或伏之脉。一似直中三陰經。而其外現症候。稍有不合於三陰經症。便取痧筋而驗之。有則爲痧。無則爲陰。施治之藥。或涼或熱。萬不失一。且放痧服藥之後。血肉經絡之分通而無阻。卽按其脉。便不復如前之沉微或伏矣。余然後按脉辨症。用藥以治其傷寒。藥未有不得其效者。至如雜病兼痧。有沉微或伏之脉。亦以此法驗之。誠至

當不易之論也。

痧脉似氣血有餘辨

痧之毒氣。衝激於經絡血肉之分。故其脉多洪數。或沉緊。或大而無倫。或洪實有力。種種不一。若症脉稍有不合。便當審其痧筋有無。有則俟其放痧之後。再診其脉之來復何如。以斷其病之寒熱虛實。施治。若無。卽以其脉斷其寒熱虛實。用藥。余嘗治一勞弱吐紅之症。其脉洪實有力。他醫遇此。以爲勞弱吐紅。脉忌洪實。兼之症候凶危。謝事而去。余惟見其病勢之

暴而疑之。爰視其腿灣有青筋色。先放其痧。六脉遂和。症候亦平。又付散痧消食去積之藥。氣血無阻。凶暴潛消。飲食漸進。後用六味地黃丸。及十全大補湯服之。勞弱不足之症亦愈。蓋因其向來病氣俱從痧氣而洩。所以一用補藥。遂得全效也。

方書脉句宜叅

凡古人載籍。所以垂訓者。不知幾經籌畫。幾經筆削。乃註之於書。後人竟以一覽不明。便置之高閣。毋乃有負古聖賢作書者之心乎。余嘗博覽遺言。若其有

得於心固然不忍釋手。卽令有疑於已。亦且數四低徊。然後得一夕豁然洞灼而大悟也。有如方書所載。諸痛脉伏不可診也之句。余嘗疑之。若以爲治病之道。求所以辨明虛實寒熱之法。斟酌輕重緩急之宜。惟脉是恃。若脉伏旣不可診。醫者將何以斷其病之屬虛屬實。屬寒屬熱之所致。而於用藥之際。更有可輕可重。當緩當急之定論乎。詎意古人之所以示我者。固有先得我心。而昭然筆之於書也。余是以一再思之。乃知所謂脉伏不可診者。若謂必須求他症以

辨之。方有其治法焉。爾故余於諸痛脉伏者。固推而
驗於筋之青者。紫者。識其爲痧。卽於諸病不痛而脉
伏者。亦必推而驗於筋之青者。紫者。識其爲痧。蓋緣
痧毒氣壅血阻於經絡間。故脉有伏而不現。爾若以
針刺之。血流而氣亦洩。毒始無所壅阻。而脉乃復其
常。爾至於痧之重者。傷在腸胃三陰。針刺有所不到。
血流有所不盡。余惟從夫食積血瘀所阻之毒。以治
之。脉且隨藥而復。則病有未愈者。始可憑脉以用其
藥。然後思古人之所謂不可診者。信乎諸痛脉伏之。

不可診也。古人之詔我者。誠有所見也哉。

脉貴審於幾先

痧之重者。形之於脉。前言已概之矣。至如雜病兼痧。始發甚微。疑似莫辨。所謂審脉之道。則又吾筆所難書。吾言所難罄。惟在醫者臨症之際。神明其意於切脉之中。斬截其痧於方發之始。蓋痧之慢者。詎云日久必壞臟腑。損經絡。潰肌表乎。卽其輕而又輕者。雖不至驟傷其命。而於雜病之中。一有兼痧。不能審治。其病將纏綿難愈。卽愈亦必數數復發。疾苦相連。此

痧之所以可畏當預審之於幾先也

痧脉决生灰法

脉微細者生。脉實大急數者重。脉洪大無倫者凶。一部無脉者輕。一手無脉者重。兩手無脉者死。六脉無根。放痧服藥不應者不治。諸怪脉現。放痧服藥不應者死。

此下細述發蒙論所不盡

凡屬暗痧之類。人多不識。誤中其禍。故悉列之於前。庶令人一開帙而注目焉。

下卷痧痛人所易明故姑置之於後

暗痧辨

心中悶悶不已。欲食不食。行坐如常。卽飲溫熱。不見凶處。更無心腹腰背疼痛之苦。但漸漸憔悴。日甚一日。若不知治。亦成大害。此痧之慢而輕者也。放之卽愈。亦有頭痛發熱。心中作脹。類於傷寒。亦有寒熱往來。似瘧非瘧。悶悶不已。亦有咳嗽煩悶。有似傷風。亦有頭面腫脹。兩目如火。亦有四肢紅腫。身體重滯。不能轉側。此痧之慢而重者也。誤喫熱湯熱酒熱物。遂

乃沉重。或昏迷不醒。或痰喘氣急。狂亂見凶。如遇是症。必先審脉。辨症的確。果係何因。在表者刮。在中者放。在裏者或九或散。或煎劑。必須連進數服。俟其少安。漸爲調理。

治驗

一余三婦母寡居。四月間忽然昏迷沉重。不省人事。顏色俱變。漸漸黑色。二弟驤武次衡延他醫治之。莫識其病。適余至視疾。診之。左脉洪大。右脉沉微。余曰。此暗痧也。審其腿灣有青筋三條。刺之。紫

黑血流如注。不醒。刮痧亦不醒。用沉香鬱金散加砂仁。併荊芥湯稍冷服之。不醒。次日用寶花散。薄荷湯加大黃丸。微冷服。亦不醒。至五日。復刮痧。用三香散加砂仁湯溫下。而後醒。漸調理。乃痊。一余友朱其章。一老僕。六月發熱沉重。昏迷不醒。黑胎芒刺舌短。狂罵不避親疎。其章延余往視。診其脉。六部俱伏。余曰。此痧之重極者也。彼親中有厲姓。善放痧。使二人極力扶起。從腿灣有青筋處刺之。但微有紫黑血點而已。痧血不流。將入死地。

癸卯三月三日
余用寶花散。痰藜散稍冷湯飲之。又用紫蘇厚朴湯微冷服。次日痧退少甦。但身重如石。不能轉側。舌上黑胎芒刺不退。用紅花湯合清涼至寶飲治之。以漸而愈。

一麓庵朱兄一婢。十二歲。六日不食。頭面微腫。余適與于茂生至麓庵宅。卽令脾出診脉。箕立一消食方。余曰。脉微面腫。殆其痧乎。刺腿灣上一針。紫黑血流不愈。用寶花散稍冷湯飲之。一服而痊。

傷寒兼痧

凡傷寒頭痛寒熱諸症。或當暑天。或觸穢氣。或疫癘所感。忽犯痧脹。是惟認脉看筋辨之。先治其痧。痧退之後。乃治傷寒。若誤飲熱湯熱藥。慢者猶可。緊者立時見凶。

治驗

一余甥坦卜文。長子。十二歲。頭痛身熱。無汗。他醫皆治其傷寒。不應。余診之。六脉微緩。乃知其傷寒兼痧者也。刺腿灣青筋三條。紫黑毒血湧出甚多。不愈。用防風勝金湯。稍冷服二劑。痧退。服小柴

胡湯而痊

一車姓者五月傷寒十四日忽爾發昏沉重卧不能轉延余診之余曰此傷寒犯痧若不先治其痧余不敢任不信延他醫治之益昏迷不醒復求余余曰痧氣衝心故昏迷痧毒入於血分經絡間故病不能轉側若先治痧尚有瘳日即求余治先放痧不愈用寶花散圓紅散及防風勝金湯俱微冷服痧退後治傷寒而痊

一余次女四月間頭痛發熱屬傷寒太陽經症用

羌活冲和湯加減治之。稍愈。至第四日。原照傷寒治之。不應。更面赤身熱。心胸悶悶不已。六脉洪大。無倫。余曰。此傷寒兼犯痧症。當看痧筋。刺之。余女不信。至晚。疾益甚。始欲放痧。在左腿灣下。刺青筋一針。流紫黑毒血。餘更有細青筋。不甚現。是緣不信。多纏綿。一日。痧氣壅阻。故痧筋有隱隱者。爾服必勝湯三頭服。稍覺身鬆。未愈。次日。指上痧筋復現。刺血九針。服藥未愈。候至夜。右腿灣復現青筋二條。刺出毒血。服圓紅散。乃少安。後又驟進飲食。

復發熱面赤。用山查。荀子。柴胡。陳皮之類。飲之。不應。脉仍洪大。無倫。此因痧毒復發而然。刺兩足十指青筋。去其毒血。用必勝湯稍冷服。二劑未已。偶飲稍溫茶。立刻狂言。此痧未盡散。因溫飲而復發也。用冷井水二碗。飲之。更冷服藥五劑。然後痧氣乃清。但病久身虛。發暈。服參湯而甦。後用十全大補湯加減治之。調理二月而痊。

痧症類傷寒

傷寒集中。僅有四症類傷寒。至於痧症類傷寒。較之

四症尤爲凶暴而傷寒書內從未載及。故醫者不識。夫傷寒頭痛惡寒發熱。屬足太陽膀胱經風寒。宜表。是寒從肌表而入。故宜發散爲先。若痧症頭痛。是痧毒之氣上攻頭面三陽。不因外感寒氣。其惡寒發熱。雖在肌表。是時行之氣所感。由呼吸而入。搏激於肌表之中。作爲毒熱。內熱則外寒。故亦惡寒。治宜先刺巔頂。放痧以洩其毒。用藥惟在透竅解毒順氣爲主。若誤認傷寒。足太陽膀胱經症。用羌活麻黃發表太甚。反助痧毒火邪。益張其欲。勢必惡毒攻衝。作腫作

張立時見凶。故痧症與傷寒。其頭痛惡寒發熱雖同。治之當異。要知痧症宜清涼。則痧毒可內解。傷寒宜辛散。則寒氣可外舒。固不可以治痧症者治傷寒。更不可以治傷寒者治痧症也。

治驗

一林管家長子。六月發熱五日。昏迷不醒。余診之。病似傷寒。而脈沉微無力。實非傷寒症也。問腿灣下痧筋。放紫黑毒血三針。指頭九針。不愈。用阿魏丸。併大黃丸。涼茶飲之。昏迷遂醒。越兩日身涼。乃

痊。

一車文顯次子惡寒發熱。十二日昏迷沉重。不省人事。迺余至鄉。延余診之。見其面色紅黑。十指頭俱青黑色。六脉洪數。皆曰新婚燕爾。症必屬陰。余曰非也。若以陰治。一用溫補熱藥。殆迫其死矣。夫脉洪數者。痧毒搏激於經絡也。十指青黑者。痧之毒血流注也。面色紅黑者。痧毒升發於頭面三陽也。及視腿灣痧筋。若隱若現。放之微有紫黑血點而已。其父素知痧患。便云此真痧也。奈前因暗痧。

莫識數飲熱湯毒血凝聚於內放之不出將何以
救之余用寶花散晚蠶沙湯冷飲之漸醒痧筋復
現於左腿灣二條刺出紫黑毒血如注乃不復如
前之昏迷矣但發熱身重不能轉側肩背多痛用
大劑桃仁蘇木烏藥香附白蒺藜末澤蘭獨活山
查微溫服之漸能轉運猶身熱不涼大便不通用
荀子麥芽枳實大黃紫朴桃仁溫服便通熱減後
調補三月而痊

一方居安內室正月頭痛惡寒發熱心胸煩悶口

渴咽乾。頭汗如雨。痰喘面黑。十指頭俱有黑色。已五日矣。延余診之。氣口脉虛。時或欲指。左手三部。洪數無倫。余曰。非痧而有是脉。恐不能生矣。因看痧筋。幸其弟善放痧。見有青筋。曰。此真痧也。刺頂心一針。左臂灣一針。右腿灣一針。毒血已去。不愈。余想其飯後起病。卽以礬湯稍冷。多服。吐去宿食。煩悶痰喘。頭汗俱除。餘症未愈。次日其弟復爲放痧。飲以陰陽水一碗。亦未愈。余用柴胡。山查。連翹。紅花。蔔子。枳實。荆芥。花粉。加酒製大黃。貳錢。俟微

冷服二劑大便通而安。迨後十餘日。腹中大痛。口吐涎沫。此又因穢氣所觸而復痧也。令其刮痧少安。用藿香正氣湯稍冷服之。腹痛頓止。後用補中益氣湯十全大補湯調理如舊。

一甄復先惡寒發熱嘔噦心煩。服他藥昏迷不醒。或謂陰虛而然。余診之六脉沉微。手足大熱。唇舌鮮紅。身體重痛。余曰。痧毒衝心入於血分。瘀滯故爾。不信。連易三醫莫任。復求余治。呼之不應。扶之不起。用晚蠶沙煎湯微冷服。次以寶花散煎砂仁。

湯微冷送下。稍醒。然後扶起。放痧數十針。未愈。用桃仁。延胡索。蘇木。烏藥。紅花。香附。山查。一劑。始能轉側。後服小柴胡湯。寒熱俱除。調補兩月而痊。

痧類瘧疾

痧有寒熱往來。類乎瘧疾。或昏迷沉重。或狂言亂語。或痰喘不休。或心胸煩悶。叫喊不止。或嘔噦吐痰。睡卧不安。或大小便結。舌黑生芒。如此重極。脉必變異。不與瘧同。宜細辨之。

治驗

一沈曰。當七月間。口。舌焦。胎厚。延余治。瘡。左脉浮大而虛。右脉沉細而瀋。愚意瘡疾。見凶。脉不應。虛且瀋。視其乳下有青筋。刺出紫黑毒血二針。令其刮痧。不愈。用散痧消毒活血之劑。加大黃三錢。稍冷服之。大便通。諸症退。惟寒熱未已。用小柴胡湯治之。後用四君子調治而痊。

瘡疾兼痧

瘡疾。臥床。往往有因暑熱相侵。心中逆悶。或時疫之

氣相感兼犯乎痧。痧因痧變。勢所必至。不可漫以爲
瘡而忽視之也。瘡之爲害。尚可延久。痧之爲害。必至
傷人。卽令痧之輕者。苟不知治。纏擾於身。不克驟愈。
雖或幸愈。數復難痊。自非先治其痧。決難全愈。兼痧
之禍。可勝道哉。

治驗

一錢拱宸內室患瘧。發熱不涼。痰嗽煩悶。口渴不
食。余診之。氣口脉虛。左三部微瀦而數。此兼痧之
症也。令其放痧。用散痧順氣活血解毒藥。不愈。次

日又放痧。脉始弦數。又如前劑服之。不復煩悶矣。後用柴胡雙解飲三劑。瘧愈。止用消痰順氣藥。加童便。飲五劑。痰嗽俱痊。

一余三子五月間。患瘧凶暴。左脉沉微。右手脉伏。驗有腿灣。手臂青筋。刺出紫黑毒血。稍覺胸中爽快。用寶花散。沉香丸。稍冷服之。遂用大黃丸併服。可扶而起。次日復傷食。又患兼痧。凶暴益甚。更放痧。凶暴始減。用散痧消食順氣解毒藥五劑。稍安。後又傷食發熱。用山查。荷子。青皮。陳皮。紫朴。白芥。

于四劑。大便不通。加枳實大黃。便通熱減。惟病久
虛極。時覺眩暈心跳。夜睡不寧。用棗仁茯神人參
黃芪熟地。加熟附子一二片煎服。夜睡神安。調補
四月而痊。

一沈恒生內室。六月間瘧疾。日晡寒熱已八日。忽
壯熱不已。昏沉不醒。延余診之。左脉弦數不勻。右
脉虛而沉濇。余曰。左不勻。右虛濇。非瘧脈也。殆其
爲瘧之變症。非痧而何。刺左臂青筋一針。紫黑毒
血流出如花。不愈。服荊芥湯。加藿香。荀子。紫朴。枳。

癰疽三行書
榔併化毒丹。微冷飲之。稍醒。次日復刺指頭紫黑
血三針。用荊芥湯加枳實大黃。微冷飲之。熱退後
用三香散運動其氣。調理一月而痊。